

OPĆINSKO VIJEĆE ČELIĆ



SLUŽBENI GLASNIK

GODINA : XXVII

- 01.10.2021. -

BROJ: 8/2021

*Službeni glasnik izlazi po potrebi
Izdaje : Stručna služba Općinskog vijeća, Općinskog načelnika i zajedničkih poslova*

8. REDOVNA SJEDNICA OPĆINSKOG VIJEĆA ČELIĆ OD 30.09.2021. GODINE

R/B	SADRŽAJ	STRANA
1.	ODLUKA o izmjeni Statuta JKP "Čistoća" d.o.o. Čelić, broj: 01-49-999/07 od 30.09.2021. godine	3
2.	ODLUKA o izmjeni Odluke o osnivanju Javne ustanove Centar za socijalni rad Čelić, broj: 01-02-510/18 od 30.09.2021. godine	4
3.	ODLUKA o usvajanju izvještaja o izvršenju Budžeta općine Čelić za period 01.01.2021. do 30.06.2021.godine, broj: 01-11-18/21 od 30.09.2021. godine	5
4.	ODLUKA o davanju saglasnosti na Pravilnik o organizaciji održavanja i uređenja javnih parkirališta u Čeliću, broj: 01-45-608/21 od 30.09.2021. godine	6
5.	PRAVILNIK o organizaciji održavanja i uređenja javnih parkirališta u Čeliću, broj: 02-858 /21 od 24.09.2021. godine	7
6.	ODLUKA o osnivanju Zajedničkog pravobranilaštva za općine Čelić i Doboj Istok, broj: 01-45-2059/21 od 30.09.2021. godine	15
7.	ODLUKA o imenovanju članice Općinske izborne komisije Čelić, broj: 01-45-2266/21 od 30.09.2021. godine	20
8.	ODLUKA o izdvajanju finansijskih sredstava iz budžeta Općine Čelić za pomoć u sanaciji štete izazvane prirodnom nesrećom na stambenom objektu Zikreta Emkića iz Šibošnice, broj: 01-11-2868/21 od 30.09.2021. godine	21
9.	ODLUKA o prihvaćanju Zajedničkog prijedloga za finansiranje rada Zajedničkog pravobranilaštva za općine Čelić i Doboj Istok, broj: 01-07-2982/21 od 30.09.2021. godine	22
10.	RJEŠENJE o prihvaćanju ostavke Lejle Hasanović, broj: 01-45-2059/21 od 30.09.2021. godine	23
11.	RJEŠENJE o konačnom imenovanju člana Upravnog odbora JU Centar za socijalni rad Čelić, broj: 01-45-1080/21 od 30.09.2021. godine	24
12.	RJEŠENJE o konačnom imenovanju člana Nadzornog odbora JKP „Čistoća“ d.o.o. Čelić, broj: broj: 01-45-1080/21 od 30.09.2021. godine	25

KOMISIJA ZA IZLAGANJE NA JAVNI UVID PODATAKA O NEKRETNINAMA ZA PODRUČJE KATASTARSKE OPĆINE – K.O. BREZJE

13.	OGLAS o izlaganju na javni uvid podataka premjera i katastarskog klasiranja zemljišta za katastarsku općinu Brezje, broj: 01-26-1488-2/21 od 25.8.2021. godine	26
-----	--	----

ISPRAVKE

14.	ZAKLJUČAK o ispravci Odluke o usvajanju kalendara značajnih datuma na području općine Čelić, broj: 01-45-603/21 od 30.09.2021. godine	27
15.	ZAKLJUČAK o ispravci Rješenja o imenovanju Komisije za nastavak izlaganja na javni uvid podataka premjera i katastarskog klasiranja zemljišta za katastarsku općinu - K.O. Brezje, broj: 01-26-1488-3/21 od 30.09.2021. godine	29

Na osnovu člana 6. Zakona o javnim preduzećima u Federaciji BiH ("Službene novine Federacije BiH", br.8/05, 81/08, 22/09, 109/12) člana 121. i 234. Zakona o privrednim društvima Federacije Bosne i Hercegovine ("Službene novine Federacije BiH " 81/15i 75/21), člana 108. Statuta JKP "Čistoća" d.o.o. Čelić ("Službeni glasnik općine Čelić", broj: 2/07) i člana 24. Statuta općine Čelić ("Službeni glasnik Općine Čelić", broj: 3/2017), Općinsko vijeće Općine Čelić u funkciji Skupštine društva (u daljem tekstu: Skupština), Društvo s ograničenom odgovornošću "Čistoća" Čelić na 8. redovnoj sjednici održanoj dana 30.09.2021. godine d o n o s i

ODLUKU

o izmjeni Statuta JKP "Čistoća" d.o.o. Čelić

Član 1.

Ovom Odlukom mijenja se član 4. stav 3. Statuta JKP Čistoća d.o.o. Čelić ("Službeni glasnik općine Čelić", broj: 2/07), te glasi:

" Sjedište Društva je u Čeliću u ul. Alije Izetbegovića br. 53-2“.

Član 2.

JKP "Čistoća" d.o.o. Čelić će izvršiti neophodne promjene upisa kod nadležnih organa u skladu sa ovom Odlukom.

Član 3.

Ova Odluka stupa na snagu danom donošenja a bit će objavljena u "Službenom glasniku općine Čelić“.

BOSNA I HERCEGOVINA
FEDERACIJA BOSNE I HERCEGOVINE
OPĆINA ČELIĆ
OPĆINSKO VIJEĆE ČELIĆ

PREDSJEDAVAJUĆI
Mustafa Ljaljić s.r.

Broj: 01-49-999/07
Čelić, 30.09.2021. godine

Na osnovu člana 3. i 6. Uredbe sa zakonskom snagom o ustanovama („Službeni list RBiH“ broj: 6/92, 8/93 i 13/94), člana 16. stav 3. Zakona o socijalnoj zaštiti, zaštiti civilnih žrtava rata i porodica sa djecom („Službene novine Tuzlanskog kantona“, broj: 5/2002, 13/03 i 8/06) i člana 24. Statuta općine Čelić („Službeni glasnik općine Čelić“ broj: 3/2017), Općinsko vijeće Čelić na 8. redovnoj sjednici održanoj dana 30.09.2021. godine donosi:

ODLUKU

o izmjeni Odluke o osnivanju Javne ustanove Centar za socijalni rad Čelić

Član 1.

Ovom Odlukom mijenja se član 2. stav 2. Odluke o osnivanju Javne ustanove Centar za socijalni rad Čelić ("Službeni glasnik općine Čelić", broj: 1/2018), te glasi:

"Sjedište Ustanove je u Čeliću ulica Alije Izetbegovića br. 53-2“.

Član 2.

JU Centar za socijalni rad Čelić će izvršiti neophodne promjene upisa kod nadležnih organa u skladu sa ovom Odlukom.

Član 3.

Ova Odluka stupa na snagu danom donošenja a bit će objavljena u “Službenom glasniku općine Čelić“.

BOSNA I HERCEGOVINA
FEDERACIJA BOSNE I HERCEGOVINE
OPĆINA ČELIĆ
OPĆINSKO VIJEĆE ČELIĆ

PREDSJEDAVAJUĆI
Mustafa Ljaljić s.r.

Broj: 01-02-510/18
Čelić, 30.09.2021. godine

Na osnovu člana 90. i 92. Zakona o budžetima Federacije BiH (Službene novine broj: 102/13, 9/14, 13/14, 8/15, 91/15, 102/15, 104/16, 05/18, 11/19 i 99/19)), člana 24. Statuta Općine Čelić ("Službeni glasnik Općine Čelić", broj: 3/2017), i člana 29. Odluke o izvršenju budžeta općine Čelić za 2021. godinu („Službeni glasnik općine Čelić“, broj 02/21) Općinsko vijeće Čelić na 8. redovnoj sjednici održanoj dana 30.09.2021. godine d o n o s i:

O D L U K U

o usvajanju izvještaja o izvršenju Budžeta općine Čelić za period
01.01.2021. do 30.06.2021. godine

Član 1.

Usvaja se izvještaj o izvršenju Budžeta općine Čelić za period 01.01.2021. godine do 30.06.2021. godine sa bilansom prihoda u iznosu od 1.591.477,00 KM i bilansom rashoda u iznosu od: 1.132.195,00 KM, sa razlikom prihoda nad rashodima u iznosu od: 459.282,00 KM (tekući suficit).

Član 2.

Ova odluka stupa na snagu danom objavljivanja u "Službenom glasniku općine Čelić".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVALAČI

Ljaljić Mustafa s.r.

Broj: 01-11-18/21
Čelić, 30.09.2021. godine

Na osnovu člana 13. Zakona o principima lokalne samouprave u Federaciji BiH („Službene novine Federacije Bosne i Hercegovine“, broj: 49/06 i 51/09), člana 3. Zakona o komunalnim djelatnostima Tuzlanskog kantona („Službene novine Tuzlanskog kantona“-prečišćeni tekst, broj: 11/2021), člana 2. Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, br. 6/06, 75/06, 44/07, 84/09, 48/10, 18/13, 8/17, 89/17 i 9/18) člana 17. stav 3. Odluke o javnim parkiralištima na području općine Čelić ("Službeni glasnik općine Čelić", broj: 4/2021) i člana 24. Statuta općine Čelić ("Službeni glasnik općine Čelić", broj: 3/2017), Općinsko vijeće Čelić na 8. redovnoj sjednici održanoj dana, 30.09.2021. godine d o n o s i

O D L U K U

o davanju saglasnosti na Pravilnik o organizaciji održavanja i uređenja javnih parkirališta u Čeliću

Član 1.

Ovom Odlukom daje se saglasnost na Pravilnik o organizaciji održavanja i uređenja javnih parkirališta u Čeliću Javnog komunalnog preduzeća "Čistoća" d.o.o. Čelić, broj: 02-858/21 od 24.09.2021. godine.

Član 2.

Sastavni dio ove Odluke je Pravilnik iz člana 1.

Član 3.

Ova Odluka stupa na snagu osmog dana od dana objavljivanja u "Službenom glasniku općine Čelić".

BOSNA I HERCEGOVINA
FEDERACIJA BOSNE I HERCEGOVINE
OPĆINA ČELIĆ
OPĆINSKO VIJEĆE ČELIĆ

PREDSJEDAVALAČI
Mustafa Ljaljić s.r.

Broj: 01-45-608/21
Čelić, 30.09.2021. godine



Sjedište: Ul. Zlatnih ljiljana bb. Čelić, Tel/fax 0038735668000 i 0038735668001, E-mail: jkpcistocadoocelic@hotmail.com; Identifikacioni broj: 4209645960000, PDV broj: 209645960000, Poreski broj: 03560769
Računi: NLB banka račun br: 1322200311639511;

Sparkasse bank račun br:1990500006834230

Broj: 02-858 /21

Datum: 24.09.2021. godine

Na osnovu člana 3. Zakona o komunalnim djelatnostima Tuzlanskog kantona („Sl. novine TK“ br.11/2021-prečišćeni tekst), člana 2. Zakona o osnovama sigurnosti saobraćaja na putevima u BiH („Službeni glasnik BiH“ br. 6/06, 75/06, 44/07, 84/09, 48/10, 18/13, i 8/17), čl.17. stav 3. Odluke o javnim parkiralištima na području Općine Čelić („Službeni glasnik općine Čelić“, br. 4/2021) i člana 51. Statuta JKP „Čistoća“ doo („Službeni glasnik općine Čelić“, br.2/07) Nadzorni odbor na 9. redovnoj sjednici održanoj dana 24.09.2021. godine donosi:

PRAVILNIK O ORGANIZACIJI ODRŽAVANJA I UREĐENJA JAVNIH PARKIRALIŠTA U ČELIĆU

I. OPŠTE ODREDBE

Član 1.

Ovim Pravilnikom uređuju se uslovi i način organizovanja, upravljanja, korištenja i način naplate na javnim parkiralištima na području općine Čelić .

Član 2.

Djelatnost iz člana 1. Ovog Pravilnika obavlja Javno komunalno preduzeće " Čistoća " d.o.o. Čelić (u daljem tekstu: Preduzeće).

Član 3.

- 1) Javna parkirališta, u smislu odredaba ovog Pravilnika su javne saobraćajne površine i posebni prostori određeni za parkiranje motornih vozila, a mogu biti na ulici i van ulice.
- 2) Javna parkirališta mogu biti opšta i posebna.
- 3) Opšta parkirališta su dijelovi kolovoza, trotoara ili površina između kolovoza i trotoara i druge površine posebno obilježene za parkiranje motornih vozila.
- 4) Posebna parkirališta su objekti i površine izgrađeni i uređeni za parkiranje motornih vozila sa kontrolisanim ulaskom i izlaskom vozila.

Član 4.

- 1) Javnim parkiralištima, u smislu odredaba ovog Pravilnika, ne smatraju se posebni prostori za parkiranje motornih vozila koji pripadaju određenom objektu (ustanova, poslovni ili stambeni objekt, taxi stajališta i sl.) ili prostori privatnih parcela koje je korisnik opremio za pružanje usluga parkiranja, odnosno privatna parkirališta.
- 2) Korisnik posebnog prostora iz stava (1) ovog člana, može posebni prostor za parkiranje motornih vozila ustupiti djelimično ili u cjelini Preduzeću, koje će ga urediti i koristiti kao opšte ili posebno parkiralište, a uslove korištenja posebnog prostora, regulisati će ugovorom.

Član 5.

- 1) Javna parkirališta na kojima se vrši naplata naknade za korištenje parking mjesta, mogu biti: stalna, privremena i povremena parkirališta.
- 2) Stalna parkirališta su javne saobraćajne površine i posebni prostori određeni i obilježeni za parkiranje vozila.
- 3) Privremena parkirališta su privremeno uređene javne saobraćajne površine i posebni prostori određeni i obilježeni za parkiranje vozila.
- 4) Povremena parkirališta su javne saobraćajne površine koje od strane Općine Čelić mogu biti određene za parkiranje motornih vozila za vrijeme održavanja javnih skupova, sportskih, kulturnih, umjetničkih i drugih manifestacija i priredbi, a koje su posebno određene i obilježene za parkiranje vozila.
- 5) Preduzeće može na osnovu zahtjeva zainteresovane stranke, besplatno privremeno ustupiti parking prostor iz Člana 6. stav 1. Ovog Pravilnika u opravdanim slučajevima o čemu odlučuje direktor Preduzeća posebnom odlukom, a na zahtjev zainteresovane strane.

Član 6.

- 1) Javna parkirališta na kojima se vrši naplata naknade za upotrebu usluge parkiranja na području općine Čelić svrstana je u jednu (1) zonu - I (crvenu). Naplata će se vršiti na sljedećim javnim parkiralištima:

Redni broj	Naziv javnog parkirališta	Vrsta javnog parkirališta		Broj parking mjesta	Zona
		Na ulici-izvan ulice	Opšta posebna		
1.	Parking ispred i iza zgrade općine Čelić ul. Alije Izetbegovića	na ulici – izvan ulice	opšta		I
2.	Ulica Alije Izetbegovića - jednosmjerna	na ulici – izvan ulice	opšta		I

- 2) U slučaju izgradnje novih javnih parkirališta ili proširenja – dogradnje postojećih parkirališta na području općine Čelić, Općinski načelnik može privremeno odobriti parkiranje na istim, a do donošenja izmjena i dopuna ovog Pravilnika.
- 3) Naplata se neće vršiti na parkiralištima koja nisu obilježena shodno odredbama Člana 7. Stav 1. ovog Pravilnika.

Član 7.

- 1) Javna parkirališta obilježavaju se vertikalnom i horizontalnom saobraćajnom signalizacijom shodno propisima o sigurnosti saobraćaja na putevima, te imaju na vidnom mjestu istaknuto obavještenje koje sadrži: zonu, način parkiranja, cijena i način naplate i vrijeme naplate.
- 2) Uređenje i obilježavanje javnih parkirališta na kojima se naplaćuje parkiranje vrši Preduzeće.
- 3) Parking mjesta određena za vozila invalida i rezervisana parking mjesta, posebno se obilježavaju horizontalnom i vertikalnom signalizacijom.
- 4) Rezervisana parking mjesta su prostori rezervisani od strane pravnih i fizičkih lica kod Preduzeća.
- 5) Oznaka i obavještenja na saobraćajnoj signalizaciji će biti ispisana na jednom od službenih jezika koji su u upotrebi u Bosni i Hercegovini.

II. KORIŠTENJE JAVNIH PARKIRALIŠTA

Član 8.

- 1) Javna parkirališta, pod uslovima utvrđenim ovim Pravilnikom koriste se za parkiranje motornih vozila pravnih i fizičkih lica (u daljem tekstu: Korisnik).
- 2) Korisnikom parkirališta u smislu odredaba ovog Pravilnika smatra se vozač ili vlasnik vozila ako vozač nije identifikovan.

Član 9.

- 1) Za potrebe parkiranja isključivo vozila invalida, a u zavisnosti od kapaciteta parkirališta, Preduzeće će (u skladu sa utvrđenim standardima i pravilima) osigurati 5% parking mjesta od ukupnog broja parking mjesta, na kojima se neće naplaćivati naknada za parkiranje, a koja će se posebno obilježeti vertikalnom i horizontalnom saobraćajnom signalizacijom, kao mjesta za invalide.
- 2) Pravo korištenja mjesta za parkiranje vozila invalida ostvaruju invalidna lica koja posjeduju znak pristupačnosti, odnosno međunarodni znak invalida, a u skladu sa odredbama člana 29. Zakona o osnovama sigurnosti saobraćaja na putevima u Bosni i Hercegovini (u daljem tekstu: ZOOBS) i odredbama Pravilnika o obilježavanju vozila kojima upravlja lica sa invaliditetom ili kojim se prevozi lica sa invaliditetom ("Službeni glasnik BiH", broj 92/15).
- 3) Invalidna lica koja posjeduju znak pristupačnosti, odnosno međunarodni znak invalida, mogu bez plaćanja naknade parkirati motorno vozilo na bilo kojem mjestu u zoni naplate.
- 4) Vlasnik vozila koje je uneseno u sistem kao vozilo Invalidnog lica i koje posjeduje znak pristupačnosti dužan je obavijestiti Preduzeće o promjeni vlasnika vozila u slučaju prodaje, a svaka zloupotreba ili nepravilno korištenje znaka pristupačnosti (davanje drugim licima na korištenje) je zabranjeno.

Član 10.

- 1) Vozila hitne medicinske pomoći, vozila policije, vatrogasna vozila, vozila obavještajno-sigurnosnih službi, službena vozila pravosudnih institucija, vozila Uprave za Inspeksijske poslove TK i F BiH prilikom obavljanja inspeksijskog nadzora, vozila inspeksijske službe Poreske uprave, kao i organizacije/agencije koje su angažovane na implementaciji mira ili Dejtonskog sporazuma, ne plaćaju naknadu za parkiranje. Korisnici besplatnih parking karti dužni su do 31.12. za narednu godinu podnijeti zahtjev za produženje istih, a u toku godine prijaviti izmjene, ako dođe do promjene vlasnika vozila i slično.
- 2) Vozila pravnih lica, koja su izvođači radova na javnim površinama, za vrijeme dok se radovi izvode, shodno odobrenju Preduzeća, izuzeta su od plaćanja naknade za parkiranje.

Član 11.

- 1) Fizičkom licu koje dokaže da je vlasnik više od jednog vozila, može se izdati više od jedne pretplatne karte.
- 2) Fizička lica sa mjestom stanovanja van zone naplate, kao i sva pravna lica imaju pravo na pretplatnu kartu u skladu sa Cjenovnikom usluga parkiranja.

Član 12.

- 1) Preduzeće može rezervisati određeni broj parking mjesta, za pravna lica i fizička lica koja mogu izvršiti rezervaciju parking mjesta na određeni vremenski period, uz naknadu po Cjenovniku usluga parkiranja iz Člana 6. stav 1. ovog Pravilnika.
- 2) Na jednom javnom parkiralištu može se dozvoliti rezervacija do 20% parking mjesta. Izuzetno, moguće je pod posebnim uslovima, odobriti rezervaciju parking mjesta u procentu većem od navedenog, o čemu odlučuje direktor Preduzeća posebnom Odlukom.

3) Preduzeće kao korisnik javnih parkinga je također u obavezi izvršiti plaćanje pretplatnih parking karti za svoja službena vozila.

Član 13.

Korisnik javnog parkirališta je obavezan da:

- 1) Plati korištenje parking mjesta prema vremenu zadržavanja na način propisan ovim Pravilnikom;
- 2) Koristi parking mjesto shodno horizontalnoj i vertikalnoj signalizaciji kojom je označeno parking mjesto.

Član 14.

- 1) Za uslugu korištenje javnog parkirališta korisnik je dužan platiti naknadu za određeno vrijeme korištenja.
- 2) Visina naknade iz stava 1. ovog člana utvrđuje se Cjenovnikom usluga parkiranja, donesenog od strane Nadzornog odbora JKP „Čistoća“ doo Čelić, a na koje je Općinsko vijeće Čelić dalo saglasnost u skladu sa Odlukom o javnim parkiralištima na području Općine Čelić.

Član 15.

- 1) Korisnik otvorenog javnog parkirališta plaća uslugu korištenja javnog parkirališta unaprijed za planirano vrijeme parkiranja kupovinom parking karte.
- 2) Korisniku zatvorenog javnog parkirališta bez ulaznog print listića, biće obračunato vrijeme od početka radnog vremena javnog parkirališta.
- 3) Parking karta se može kupiti kao satna, višesatna ili pretplatna, prema tarifnoj grupi kojoj pripada, za koju je korisnik zainteresovan.
- 4) Izuzetno od odredbi stava 1. i stava 3. ovog člana, korisnik može platiti uslugu parkiranja naknadno po nalogu za plaćanje, na način i pod uslovima propisanim članom 21. ovog Pravilnik

Član 16.

- 1) Za korištenje usluge iz člana 15. stav 1) korisnik je obavezan da u vozilu posjeduje važeću parking kartu.
- 2) Korisnik je dužan da parking kartu:
 - a. Istakne s unutrašnje strane prednjeg vjetrobranskog stakla vozila,
 - b. Koristi na način propisan ovim Pravilnikom i u nju unese tačne podatke.
- 3) Smatra se da korisnik nema važeću parking kartu ukoliko ne postupi na način propisan stavom 2. ovog člana, članom 13. tačka 1) i 2) i članom 15. stav 1. ovog Pravilnika.

Član 17.

- 1) Na javnim parkiralištima naplata se vrši:
 - a) Godišnjom kartom,
 - b) Mjesečnom kartom,
 - c) Dnevnom kartom,
 - d) Karta po satu parkiranja,
 - e) Povlaštena stanarska karta, godišnja,
 - f) Povlaštena stanarska karta, mjesečna,
 - g) Rezervisana karta, godišnja,
 - h) Rezervisana karta, mjesečna.
- 2) Karta po satu parkiranja važi za svaki započeti sat prema utvrđenom vremenu korištenja.

3) Dnevna parking karta važi od trenutka izdavanja do istog vremena u prvom sljedećem radnom danu u kome se vrši naplata parkiranja.

Član 18.

1) Korisnik javnog parkirališta se može opredjeliti da uslugu korištenja javnog parkirališta koristi po započetoj satu, kartom po satu parkiranja, dnevnom ili nekom drugom kartom u skladu sa članom 17. Ovog Pravilnika

2) Korisnik koji je parkirao vozilo, a nije se opredjelio za korištenje usluge parkiranja na način iz stava 1. ovog člana, koristi parking mjesto pod uslovima koji važe za parkiranje u dnevnom trajanju i istom se izdaje nalog za plaćanje dnevne karte koju treba istaknuti na vozilu.

3) Korisnik koji koristi uslugu parkiranja po započetoj satu, odnosno višesatnom trajanju, na način iz stava 1. ovog člana, istekom vremena korištenja parkirališta u slučaju ne produženja iste automatski nastavlja korištenje parking mjesta pod uslovima i na način iz stava 2. ovog člana.

Član 19.

1) Parkiranjem vozila na parking mjesto, korisnik prihvata uslove propisane ovim Pravilnikom za uslugu korištenja javnog parkirališta.

2) Na parkiralištima na kojima se vrši naplata za parkiranje, Preduzeće nema obavezu čuvanja vozila i ne snosi odgovornost za oštećenje ili krađu vozila u skladu sa Odlukom Općinskog vijeća Čelić.

Član 20.

1) Kontrolu naplate parkinga i pravilnost korištenja parkirališta kontroliraju ovlašteni radnik Preduzeća (u daljem tekstu: Kontrolor).

2) Kontrolor mora imati identifikacijsku iskaznicu na vidnom mjestu, na kojoj je ispisan naziv Preduzeća, serijski broj i ugrađena fotografija ovlaštenog radnika.

Član 21.

1) Nalog za plaćanje dnevne karte izdaje ovlašteni kontrolor ukoliko uoči vozilo sa neplaćenom parking kartom na način da isti postavlja na vozilo, na prednjem vjetrobranskom staklu nakon čega je u obavezi uslikati vozilo na način da se vidi postavljeni nalog ili ukoliko je u mogućnosti uručuje ga lično korisniku uz potpis korisnika o preuzimanju.

2) Dostavljanje naloga za plaćanje dnevne karte na način iz stava 1. ovog člana smatra se urednim i docnije oštećenje ili uništenje naloga nema uticaja na validnost dostavljanja i ne odlaže plaćanje dnevne parking karte.

3) Smatra se da je korisnik javnog parkirališta postupio po primljenom nalogu ako je platio dnevnu parking kartu u roku od 8 dana, od dana izdavanja, na način naznačen u nalogu.

4) Ako korisnik javnog parkirališta ne plati dnevnu kartu, u roku iz stava 3. ovog člana, dužan je osim iznosa cijene dnevne karte, platiti i stvarne troškove Preduzeća i zakonsku zateznu kamatu, na šta će u nalogu biti upozoren.

5) Ako korisnik parkirališta ne postupi u skladu sa stavom 4. ovog člana, Preduzeće će pokrenuti postupak naplate potraživanja kod nadležnog suda, a troškovi prinudne naplate, zakonska zatezna kamata i drugi troškovi padaju na teret korisnika parkirališta.

Član 22.

1) Preduzeće će svako vozilo za koje nije izvršeno plaćanje dnevne karte u roku iz prethodnog člana pribaviti podatke o vlasniku vozila od nadležnog organa.

2) Preduzeće nije dužno plaćati troškove naknade za pribavljanje potrebnih podataka iz predhodnog stava, a u slučaju da to nije moguće, pomenuti troškovi padaju na teret korisnika javnog parkirališta.

Član 23.

1) Radno vrijeme na javnim parkiralištima na kojima se naplaćuje parkiranje je:

a) na svim otvorenim parkiralištima, svakim radnim danom i subotom u vremenu od 07:00 do 17:00 sati,

2) Izuzetno Preduzeće može, zbog objektivnih okolnosti odrediti i drugačije radno vrijeme koje mora biti istaknuto na javnim parkiralištima za koje se primjenjuje.

3) Nedjeljom, neradnim danima u FBiH u vrijeme nastupajućih značajnih vjerskih praznika i praznika shodno Zakonu o praznicima BiH, na javnim parkiralištima neće se vršiti naplata.

I. NAPLATA NAKNADE ZA PARKIRANJE

Član 24.

1) Naplata naknade za parkiranje je predviđena:

a) Putem parking karte;

b) Putem poluautomatskih i automatskih sistema naplate,

c) Putem ručne naplate od strane ovlaštenih radnika Preduzeća (kontrolora)

d) Putem pretplatnih karata, kao i karata za rezervaciju parking mjesta.

2) U izuzetnim slučajevima, koja su definisana članom 5. stav (4) ove Odluke, naplata parkiranja može se vršiti prema tački d) prethodnog stava, pomoću ovjerenih blok karti.

Plaćanje parkinga putem automatskih i poluautomatskih sistema naplate

Član 25.

(1) Na otvorenim parkiralištima korisnik plaća naknadu za parkiranje ubacivanjem kovanica u automat, a količinom ubačenih kovanica određuje dužinu trajanja parkiranja.

(2) Korisnik je dužan da parking kartu iz automata postavi na vidno mjesto sa unutrašnje strane prednjeg vjetrobranskog stakla parkiranog vozila, da kontrolor može neometano utvrditi kada je započeto parkiranje.

(3) Parking karta iz automata sadrži: podatke o Preduzeću, serijski broj parking karte, te druge znakove kojima se obilježava godina, mjesec, dan i vrijeme korištenja parkinga, kao i cijenu korištenja parkinga.

(4) Korisnicima kao i drugim licima zabranjeno je blokiranje, odnosno oštećenje automata za naplatu parkiranja (ubacivanjem neodgovarajućih kovanica ili drugih materijala i vršenje bilo kakvih drugih radnji).

Plaćanje ručnom naplatom od strane ovlaštenih radnika Preduzeća

Član 26.

U izuzetnim slučajevima, koja su definisana članom 5. ovog Pravilnika, naplata naknade za parkiranje može se vršiti ručno od strane ovlaštenih radnika Preduzeća, pomoću ovjerenih blok karti.

Plaćanje putem povlaštene parking karte za stanare, pravna lica i ostale korisnike i posjetioce

Član 27.

- 1) Stanar u smislu ovog Pravilnika označava korisnika koji ima prebivalište/boravište, odnosno vlasnik je nekretnine na području gdje se vrši naplata parkiranja u skladu sa članom 6. Stav 1 ove Odluke.
- 2) Stanar kupovinom mjesečne, polugodišnje ili godišnje povlaštene parking karte kupuje povlaštenu parking kartu za zonu u kojoj ima prebivalište/boravište, odnosno u kojoj zoni se nekretnina nalazi.
- 3) Korisnik s povlaštenom parking kartom može vremenski neograničeno parkirati vozilo na svim parkiralištima na kojima se vrši naplata unutar zone za koju je karta izdata, u periodu važenja karte. Navedena karta može se isključivo koristiti za vozilo za čije je registarske oznake izdata.
- 4) Povlaštena parking karta sadrži: registarski broj vozila, serijski broj parking karte, vremenski period za koji se karta izdaje i zonu za koju je karta izdata.
- 5) Visina povlaštene karte utvrđena je Cjenovnikom usluga parkiranja.
- 6) Za izdavanje povlaštene parking karte stanar mora priložiti:
 - a) popunjen zahtjev za izdavanje pretplatne parking karte;
 - b) ovjerenu fotokopiju saobraćajne dozvole – svrhu dokazivanja vlasništva nad vozilom ili kupoprodajni ugovor za vozilo kojim se dokazuje isto do isteka važenja registracije.
 - c) Potvrdu o uplati;
 - d) Uvjerenje o prebivalištu/boravištu izdato od strane nadležne institucije ne starije od 6 mjeseci

Plaćanje za rezervaciju parking mjesta

Član 28.

- 1) Fizička lica mogu izvršiti rezervaciju parking mjesta.
- 2) Pod rezervacijom parking mjesta podrazumijeva se korištenje određenog, posebno obilježenog ili uređenog parking mjesta na javnim parkiralištima, za vremenski period od najmanje pola godine ili godinu dana.
- 3) Naknada iz stava (1) ovog člana, koja se plaća unaprijed, biće utvrđena Cjenovnikom usluga parkiranja.
- 4) Za izdavanje rezervacije parking mjesta na javnim parkiralištima, korisnici iz stava (1) ovog člana moraju priložiti:
 - a) Popunjen zahtjev za izdavanje rezervacije parking mjesta;
 - b) Prijedlog za rezervaciju parking mjesta (lokacija);
 - c) Vremenski period za koje se traži parking mjesto
 - d) Dokaz o uplati,
 - e) Uvjerenje o prebivalištu-boravištu izdato od strane nadležne institucije ne starije od 6 mjeseci.

Kontrolori provjere naplate parkiranja

Član 29.

- 1) Pravilnost korištenja parkirališta i kontrolu naplate parkiranja na parkiralištu kontroliraju ovlaštteni radnik Preduzeća, a pravilnost njegovog rada kontroliraju šef tehničke službe.
- 2) Kontrolor mora imati identifikacijsku iskaznicu istaknutu na vidnom mjestu i uniformu. Izgled identifikacijske iskaznice i uniforme, Preduzeće će urediti posebnim aktom.
- 3) U slučaju reklamacije, prigovor na izdatu "DNEVNU KARTU" može se uložiti najkasnije u roku 24 – 72 sata. Prigovor se podnosi JKP "Čistoća" d.o.o. Čelić ulica Alije Izetbegovića 53-2, od 07:00 – 15:00 sati.

4) Kontrolor je dužan ukoliko zatekne nepropisno parkirano vozilo koje ometa korištenje javnog parkirališta, odmah prijaviti Policijskoj stanici Čelić pozivom na njihov broj telefona te o broju poziva dužan je voditi evidenciju. Takođe kontrolor je dužan na pogodan način dokumentovati sve radnje vezano za ovu aktivnost. Neprovođenje ovih radnjih će se smatrati povredom radne obaveze.

Član 30.

Na javnim parkiralištima zabranjeno je:

1. Parkirati neispravno vozilo,
2. Vršiti popravku vozila,
3. Odlaganje smeća, ogrevni i drugi građevinski materijal,
4. Vršiti bilo kakve radnje i aktivnosti koje bi mogle oštetiti javnu površinu, ugroziti sigurnost saobraćaja ili oštetiti parkirana vozila
5. Koristiti za dječije i zabavne igre,
6. Održavati javne skupove ili druge manifestacije i priredbe bez prethodno pribavljene saglasnosti nadležnog organa.

Za slučajeve iz gore navedenog stava kontrolor je obavezan obavijestiti Šefa tehničke službe na dalje postupanje.

Izuzetno za potrebe stanara i korisnika poslovnih prostora koji nemaju drugu mogućnost, može se odobriti privremeno zauzimanje jednog parking mjesta na javnom parkiralištu, bez plaćanja naknade na period od 24h, radi istovara ogrevnog materijala. Odobrenje za zauzimanje parking mjesta na javnom parkiralištu izdaje JKP „Čistoća“ doo Čelić na zahtjev korisnika.

Član 31.

Pravna ili fizička lica koja postupe na neki od načina iz člana 30. Stav 1. tačka od 1. do 6. Kaznit će se novčanom kaznom u iznosu od 50,00 do 200,00 KM, a u skladu sa članom 22. Odluke o javnim parkiralištima na području Općine Čelić (01-45-608/21 od 06.05.2021. godine).

U slučaju da pravno ili fizičko lice ne postupi u skladu sa članovima 17, 24.,25. i 26. ovog pravilnika ovlašteno lice-kontrolor izvršit će blokiranje vozila uređajem za blokiranje točkova.

Naknada za blokiranje i deblokiranje utvrđena je članom 13. stav 2. Odluke o javnim parkiralištima na području Općine Čelić.

Za kažnjavanje navedenih lica iz stava 1. zadužen je komunalni inspektor, a na osnovu prijave JKP „Čistoća“ doo Čelić.

Član 32.

Nadzor nad izvršavanjem odredaba ovog Pravilnika vrši direktor Preduzeća ili neki drugi uposlenik kojeg imenuje Direktor, a koji se imenuje posebnim Rješenjem.

Član 33.

Ovaj Pravilnik stupa na snagu osmog dana od dana objavljivanja u "Službenom glasniku općine Čelić".

Predsjednik Nadzornog odbora
Delila Redžić, bachelor Socijalni pedagog s.r.

Na osnovu člana 37. stav 2. i 3. Zakona o pravobranilaštvu Tuzlanskog kantona („Službene novine Tuzlanskog kantona“, broj: 4/04,5/08, 2/14 i 4/18) i člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće općine Čelić na 8. redovnoj sjednici održanoj dana, 30.09.2021.godine, d o n o s i :

O D L U K U

o osnivanju Zajedničkog pravobranilaštva za općine Čelić i Doboj Istok

I OSNOVNE ODREDBE

Član 1.

Ovom odlukom osniva se Zajedničko pravobranilaštvo za općine Čelić i Doboj Istok (u daljem tekstu: Zajedničko pravobranilaštvo).

Član 2.

Sjedište Zajedničkog pravobranilaštva je u Klokotnici, općina Doboj Istok.

Član 3.

Zajedničko pravobranilaštvo svoju funkciju obavlja samostalno u skladu sa Ustavom, a na osnovu Zakona, drugih propisa i općih akata.

Član 4.

Na radne odnose državnih službenika i namještenika u Zajedničkom pravobranilaštvu shodno se primjenjuju propisi o radnim odnosima državnih službenika i namještenika u organima uprave.

Član 5.

Zajedničko pravobranilaštvo ima pečat okruglog oblika, prečnika 50 mm, sa slijedećim tekstom ispisanim latinicom i ćirilicom u koncentričnim krugovima: Bosna i Hercegovina, Federacija Bosne i Hercegovine, Tuzlanski kanton, Zajedničko pravobranilaštvo za općine Čelić i Doboj Istok, Klokotnica.

II DJELOKRUG ZAJEDNIČKOG PRAVOBRANIŠTVA

Član 6.

Zajedničko pravobranilaštvo obavlja poslove pravne zaštite imovine i imovinskih interesa općina Čelić i Doboj Istok i njihovih organa.

Pored poslova iz stava 1. ovog člana, Zajedničko pravobranilaštvo može obavljati i poslove pravne zaštite imovine i imovinskih interesa pravnih osoba koje osnivaju općine Čelić i Doboj Istok, ako je aktom o osnivanju to predviđeno.

Član 7.

Zajedničko pravobranilaštvo preduzima pravne radnje u cilju zaštite imovine i imovinskih interesa općine pred sudovima i drugim nadležnim organima, kao i u drugim slučajevima kada je na to ovlašteno Zakonom.

Ako pravobranilaštvo smatra da ne treba pokrenuti postupak pred sudom ili drugim organima, da treba povući tužbu ili se odreći tužbenog zahtjeva, priznati zahtjev protivne strane ili zaključiti nagodbu, uložiti pravni lijek i od istog odustati, zatražit će od Općinskog načelnika ili rukovodioca pravne osobe koju zastupa, stav o daljem postupanju.

Član 8.

Zajedničko pravobranilaštvo pruža stručnu pomoć organima, službama, ustanovama i drugim pravnim osobama iz člana 6. ove Odluke o rješavanju imovinsko-pravnih pitanja i daje mišljenja u vezi sa zaključivanjem Ugovora imovinsko-pravne prirode.

Član 9.

Na ostala pitanja u vezi sa djelokrugom rada i obavljanjem funkcije Zajedničkog pravobranilaštva primjenjivat će se relevantne odredbe Federalnih i Kantonalnih Zakona i drugih propisa.

III ORGANIZACIJA ZAJEDNIČKOG PRAVOBRANIŠTVA

Član 10.

Funkciju Zajedničkog pravobranilaštva obavlja Općinski pravobranilac i zamjenik općinskog pravobranioca.

Općinski pravobranilac predstavlja Zajedničko pravobranilaštvo, rukovodi njegovim radom i obavlja druga prava i dužnosti utvrđene Zakonom i općim aktom.

Član 11.

Općinskog pravobranioca i zamjenika općinskog pravobranioca imenuju i smjenjuju Općinska vijeća Čelić i Doboj Istok na sporazumni prijedlog načelnika Općina Čelić i Doboj Istok u postupku utvrđenom Zakonom o pravobranilaštvu Tuzlanskog kantona i u skladu sa Zakonom o ministarskim, vladinim i drugim imenovanjima u Federaciji Bosne i Hercegovine („Službene novine FBiH“, broj:12/03, 34/03 i 65/13).

Postupak izbora Općinskog pravobranioca i zamjenika općinskog pravobranioca koji prethodi imenovanju provodi posebna komisija koju čine 5 (pet) predstavnika od koji je 3 (tri) iz općine Čelić i 2 (dva) predstavnika općine Doboj Istok.

Odluku o razrješenju gradskog odnosno Općinskog pravobranioca i zamjenika gradskog odnosno općinskog pravobranioca uz prethodno datu mogućnost da se izjasne o razlozima njihovog razrješenja donosi gradsko odnosno Općinsko vijeće na prijedlog gradonačelnika odnosno Općinskog načelnika.

Gradski odnosno Općinski pravobranilac i zamjenik gradskog odnosno općinskog pravobranioca podnose ostavku Gradskom odnosno Općinskom vijeću.

Član 12.

Za Općinskog pravobranioca i zamjenika općinskog pravobranioca može biti imenovan državljani Bosne i Hercegovine, koji ima visoku stručnu spremu –VII stepen odnosno visoko obrazovanje prvog, drugog ili trećeg ciklusa Bolonjskog sistema studiranja, koji se vrednuje sa najmanje 240 ECTS-pravne struke, položen pravosudni ispit i iskustvo u radu na poslovima zastupanja pred sudom, odnosno imovinsko-pravnim poslovima, u trajanju od najmanje tri godine nakon položenog pravosudnog ispita, koji je radeći na tim poslovima stekao visoki ugled pravnog stručnjaka i koji posjeduje najviše moralne osobine za obavljanje službe pravobranioca.

Član 13.

Općinskom pravobraniocu i zamjeniku općinskog pravobranioca izdaje se službena legitimacija.

Odredbe važećeg Pravilnika o službenoj legitimaciji Kantonalnog pravobranioca i zamjenika kantonalnog pravobranioca shodno će se primjenjivati i na Općinskog pravobranioca.

Član 14.

Administrativno-tehničke poslove Zajedničkog općinskog pravobranilaštva obavlja određeni broj namještenika koji se utvrđuje pravilnikom o unutrašnjoj organizaciji.

Pravilnik o unutrašnjoj organizaciji Zajedničkog općinskog pravobranilaštva donosi općinski pravobranilac, uz saglasnost Općinskih vijeća Čelić i Doboj Istok.

Općinski pravobranilac će, u roku od 30 dana od početka rada Zajedničkog općinskog pravobranilaštva, dostaviti općinskim vijećima iz stava (2) ovog člana Pravilnik o unutrašnjoj organizaciji Zajedničkog općinskog pravobranilaštva na saglasnost.

Član 15.

Zajedničko pravobranilaštvo podnosi Izvještaj o radu Općinskim vijećima osnivača.

Zajedničko pravobranilaštvo, na zahtjev Općinskog vijeća osnivača ili na svoju inicijativu, podnosi i informiše o uočenim pojavama i problemima u primjeni Zakona i drugih propisa od značaja za ostvarivanje funkcije Općinskog pravobranioca zajedničkog pravobranilaštva.

Član 16.

Odredbe kojima se utvrđuje status, prava i dužnosti Kantonalnog pravobranioca i zamjenika kantonalnog pravobranioca shodno se primjenjuju i na Općinskog pravobranioca i zamjenika općinskog pravobranioca.

IV PLAĆA I OSNOVICA ZA OBRAČUNAVANJE“

Član 17.

Općinski pravobranilac, zamjenik općinskog pravobranioca imaju pravo na plaću.

Koeficijent za obračun plaće je:

Općinski pravobranilac 7,60

Zamjenik općinskog pravobranioca 7,00

Polazna osnovica za obračun plaće jednaka je prosjeku polaznih osnovica za obračun plaće državnih službenika i namještenika u općinama.

V SREDSTVA ZA RAD ZAJEDNIČKOG PRAVOBRANIŠTVA

Član 18.

Sredstva za rad Zajedničkog općinskog pravobranilaštva osiguravaju se u budžetima općina Čelić i Doboj Istok.

Općinska vijeća sporazumno će prije početka budžetske godine utvrditi iznos sredstava potrebnih za rad Zajedničkog općinskog pravobranilaštva kao i visinu sredstava kojim će svaka općina sudjelovati u finansiranju Zajedničkog općinskog pravobranilaštva na zajednički prijedlog općinskih načelnika općina osnivača zajedničkog pravobranilaštva.

Obaveza iz stava 2. ovog člana pobliže će se urediti pismenim sporazumom načelnika Općina.

Sporazumom će se odrediti i koji od Općinskih načelnika Općina koji su osnivači Zajedničkog pravobranilaštva biti će ovlašten da raspiše javni oglas za oglašavanje upražnjenje pozicije Općinskog pravobranioca Zajedničkog pravobranilaštva.

Član 19.

Finansijsko materijalno poslovanje Zajedničkog pravobranilaštva će obavljati nadležna služba općine Doboj Istok.

Sredstava za rad Zajedničkog pravobranilaštva koji pada na teret budžeta općina Čelić i Doboj Istok, uplaćivat će se u jednakim mjesečnim ratama, određenim sporazumom iz člana 18. ove Odluke, u toku budžetske godine i to od 1. do 5. za tekući mjesec, na račun Zajedničkog pravobranilaštva za općine Čelić i Doboj Istok koji se vodi kod poslovne banke.

VI PRELAZNE I ZAVRŠNE ODREDBE

Član 20.

Zajedničko pravobranilaštvo počinje sa radom danom stupanja na snagu ove Odluke.

Član 21.

Osobe koje su se na dan stupanja na snagu ove Odluke zatekle u Službi općinskog pravobranioca Zajedničkog pravobranilaštva za općine Čelić, Teočak i Doboj Istok, odnosno zamjenika općinskog pravobranioca, nastavljaju obavljati službu u skladu sa odredbama ove Odluke.

Član 22.

U cilju što efikasnijeg vršenja poslova iz djelokruga rada Zajedničkog pravobranilaštva, Općinski načelnici općina osnivača i zajednički pravobranilac međusobnim dogovorom će utvrditi način obavljanja poslova iz nadležnosti pravobranilaštva.

Općine osnivači van sjedišta pravobranilaštva su dužni obezbjediti prostorije za rad Zajedničkog pravobranioca.

Član 23.

Na sva pitanja koja nisu regulisana ovom Odlukom shodno se primjenjuje Zakon o pravobranilaštvu Tuzlanskog kantona.

Član 24.

Zajednički pravobranilac će u roku od 30 dana od dana stupanja na snagu ove Odluke donijeti Pravilnik o unutrašnjoj organizaciji Zajedničkog pravobranilaštva za općine Čelić i Doboj Istok.

Član 25.

Prije stupanja na snagu ove Odluke ista se ima donijeti i usvojiti na sjednici Općinskog vijeća Čelić i Doboj Istok u tekstu istovjetne sadržine, uz razliku u dijelu teksta koji je sadržan u preambuli i članu 26. ove Odluke, a koja se odnosi na konkretnu općinu.

Član 26.

Stupanjem na snagu ove Odluke, prestaje da važi Odluka o osnivanju Zajedničkog pravobranilaštva za općine Čelić, Teočak i Doboj Istok („Službeni glasnik općine Čelić“, broj: 5/2021) i Odluka o osnivanju Zajedničkog pravobranilaštva za općine Čelić i Doboj Istok ("Službeni glasnik općine Čelić", broj: 6/2021).

Član 27.

Ova Odluka će se objaviti u Službenim novinama općine Doboj Istok i Službenom glasniku općine Čelić, a ista stupa na snagu danom posljednje objave u ovim službenim glasnicima.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVALAČI

Mustafa Ljaljić s.r.

Broj: 01-45-2059/21
Čelić, 30.09.2021.godine

Na osnovu člana 2.12. stav 5., člana 2.4. stav 1. Izbornog zakona Bosne i Hercegovine („Službeni glasnik Bosne i Hercegovine”, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine”, broj: 29/18 i 36/19) i člana 24. Statuta općine Čelić („Službeni glasnik općine Čelić”, broj: 3/2017), Općinsko vijeće Čelić na 8. redovnoj sjednici održanoj dana, 30.09.2021.godine, d o n o s i :

ODLUKU

o imenovanju članice Općinske izborne komisije Čelić

Član 1.

Ovom Odlukom imenuje se Azra Imširović bachelor prava iz Šibošnice općina Čelić, za članicu Općinske izborne komisije Čelić.

Član 2.

Mandat imenovane iz člana 1. ove Odluke traje 7. godina.

Član 3.

Odluka stupa na snagu po dobijanju saglasnosti od strane Centralne izborne komisije Bosne i Hercegovine, a objavit će se u "Službenom glasniku općine Čelić".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVALAČI
Mustafa Ljaljić s.r.

Broj: 01-45-2266/21
Čelić, 30.09.2021.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06, 51/09) i člana 24. Statuta općine Čelić („Službeni glasnik općine Čelić“, broj: 3/17), Općinsko vijeće Čelić na 8. redovnoj sjednici održanoj dana, 30.09.2021. godine, donosi:

ODLUKU

o izdvajanju finansijskih sredstava iz budžeta Općine Čelić
za pomoć u sanaciji štete izazvane prirodnom nesrećom na
stambenom objektu Zikreta Emkića iz Šibošnice

Član 1.

Odobravaju se novčana sredstva Zikretu Emkiću iz Šibošnice za pomoć u sanaciji šteta izazvanih prirodnom nesrećom na stambenom objektu u iznosu od 4.500,00 KM (slovima: četirihiljadepetstotina 00/100 KM).

Član 2.

Sredstva iz člana 1. ove odluke će se doznačiti na račun oštećene strane - Zikret Emkić iz Šibošnice br: 1322200205056687 otvorenog kod NLB banke dd Sarajevo.

Član 3.

U svrhu pravdanja sredstava iz člana 1. ove odluke, obavezuje se krajnji korisnik, Zikret Emkić da dostavi fakture/fiskalne račune Službi za računovodstvene, poslove trezora, privredu i razvoj Općine Čelić.

Član 4.

Za realizaciju ove Odluke zadužuje se Služba za računovodstvene, poslove trezora, privredu i razvoj Općine Čelić.

Član 5.

Ova Odluka stupa na snagu danom donošenja, a objavit će se u „Službenom glasniku općine Čelić“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVAJUĆI
Mustafa Ljaljić s.r.

Broj: 01-11-2868/21
Čelić, 30.09.2021. godine

Na osnovu člana 18. Odluke o osnivanju zajedničkog pravobranilaštva za općine Doboj Istok i Čelić, broj: 01-45-2059/21 i člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće Čelić na 8. redovnoj sjednici održanoj dana, 30.09.2021.godine, d o n o s i :

O D L U K U

o prihvatanju Zajedničkog prijedloga za finansiranje rada Zajedničkog pravobranilaštva za općine Čelić i Doboj Istok

Član 1.

Ovom Odlukom privata se Zajednički prijedlog općinskih načelnika Doboj Istok i Čelić, broj: 01—04-5-37/21 i broj: 02-07-2982/21 od 23.09.2021. godine za finansiranje rada Zajedničkog pravobranilaštva za općine Čelić i Doboj Istok za 2022. godinu u ukupnom iznosu od 76.255,11 KM (slovima: sedamdesetšesthiljadadvjestopedesetpet11/100 konvertibilnih maraka), s tim da obje općine učestvuju u finansiranju u visini od 50% od ukupnog iznosa.

Za period od 01.10. do 31.12.2021. godine troškovi finansiranja rada navedenog pravobranilaštva iznose $\frac{1}{4}$ iznosa za 2022. godinu.

Član 2.

Ova Odluka će se objaviti u Službenim novinama općine Doboj Istok i Službenom glasniku općine Čelić, a ista stupa na snagu danom posljednje objave u ovim službenim glasnicima.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

PREDSJEDAVALAČI

Mustafa Ljaljić s.r.

Broj: 01-07-2982/21
Čelić, 30.09.2021.godine

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

Broj: 01-45-2059/21
Čelić, 30.09.2021.godine

Na osnovu člana 11. stav 4. Odluke o osnivanju zajedničkog pravobranilaštva za općine Doboj Istok i Čelić, broj: 01-45-2059/21 i člana 24. Statuta Općine Čelić („Službeni glasnik općine Čelić“, broj: 3/2017), Općinsko vijeće Čelić na 8. redovnoj sjednici održanoj dana, 30.09.2021.godine, d o n o s i :

R J E Š E N J E
o prihvaćanju ostavke

I

Prihvata se ostavka Lejle Hasanović iz Tuzle imenovane na poziciju vršioca dužnosti Zajedničkog općinskog pravobranioca za općine Čelić i Doboj Istok.

II

Imenovanj prestaje služba u Zajedničkom općinskom pravobranilaštvu za općine Čelić i Doboj Istok zaključno sa 30.09.2021. godine.

III

Ovo Rješenje stupa na snagu danom donošenja, a objavit će se u “Službenom glasniku općine Čelić”.

PREDSJEDAVAJUĆI

Mustafa Ljaljić s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

Broj: 01-45-1080/21
Čelić, 30.09.2021. godine

Na osnovu člana 12.stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), člana 25. Zakona o ustanovama („Službeni list RBiH“, broj: 6/92, 8/93 i 13/94), a u vezi sa članom 51. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine TK", broj: 05/12, 07/14 i 11/15), člana 5., 16 i 18. Odluke o utvrđivanju uslova i kriterija za imenovanja na pozicije u reguliranim organima općine Čelić („Službeni glasnik općine Čelić“ broj: 2/2021) i člana 24. Statuta općine Čelić ("Službeni glasnik Općine Čelić", broj: 3/2017), u postupku imenovanja člana Upravnog odbora JU Centra za socijalni rad Čelić iz reda uposlenika, Općinsko vijeće Čelić na 8. redovnoj sjednici održanoj dana, 30.09.2021.godine, d o n o s i :

R J E Š E N J E

o konačnom imenovanju člana Upravnog odbora
JU Centar za socijalni rad Čelić

I

U Upravni odbor Javne ustanove Centar za socijalni rad Čelić imenuje se:

1. Bajzina Šadić, član – iz reda uposlenika

II

Član Upravnog odbora imenuje se na mandatni period od 4 (četiri) godine.

III

Ovo rješenje stupa na snagu danom donošenja, a bit će objavljeno u „Službenom glasniku općine Čelić“.

PREDSJEDAVAJUĆI

Mustafa Ljaljić s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

Broj: 01-45-1080/21
Čelić, 30.09.2021. godine

Na osnovu člana 12.stav 3. i člana 13. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), Zakona o javnim preduzećima u Federaciji BiH (Službene novine Federacije BiH broj 8/05, 81/08, 22/09 i 109/12), člana 5., 16 i 18. Odluke o utvrđivanju uslova i kriterija za imenovanja na pozicije u reguliranim organima općine Čelić („Službeni glasnik općine Čelić” broj: 2/2021) i člana 24. Statuta općine Čelić ("Službeni glasnik Općine Čelić", broj: 3/2017), u postupku imenovanja člana Nadzornog odbora JKP „Čistoća” d.o.o. Čelić, Općinsko vijeće Čelić na 8. redovnoj sjednici održanoj dana, 30.09.2021.godine, d o n o s i :

R J E Š E N J E
o konačnom imenovanju člana Nadzornog odbora
JKP „Čistoća“ d.o.o. Čelić

I

U Nadzorni odbor JKP „Čistoća“ d.o.o. Čelić imenuje se:

1. Semir Redžić, član– ispred osnivača

II

Član Nadzornog odbora imenuje se na mandatni period od 4 (četiri) godine.

III

Ovo rješenje stupa na snagu danom donošenja, a bit će objavljeno u „Službenom glasniku općine Čelić”.

PREDSJEDAVAJUĆI

Mustafa Ljaljić s.r.

Na osnovu člana 71. Zakona o premjeru i katastru nekretnina („Službeni list SR BiH, broj: 22/84, 12/87, 26/90 i 36/90“, "Službeni list RBiH" broj: 4/93 i 13/94) , člana 44. stav (3) Uredbe o izlaganju na javni uvid podataka premjera i katastarskog klasiranja zemljišta („Službene novine F BiH, broj: 92/16“) Komisija za nastavak izlaganja podataka premjera i katastarskog klasiranja zemljišta za K.O. Brezje imenovana rješenjem Općinskog vijeća Čelić broj: 01-26-1488-1/21 od 17.06.2021.godine, objavljuje sljedeći:

O G L A S

o izlaganju na javni uvid podataka premjera i katastarskog klasiranja zemljišta za katastarsku općinu Brezje

U mjestu Čelić, u administrativnoj zgradi općine Čelić, u periodu od 13.10.2021.godine - 31.12.2021.godine provest će se postupak izlaganja na javni uvid podataka premjera i katastarskog klasiranja zemljišta za sve nekretnine (zemljište, zgrade, stanovi i poslovne prostorije kao posebni dijelovi zgrade i drugi građevinski objekti) koje se nalaze u katastarskoj općini Brezje.

Komisija će svakom pravnom i fizičkom licu, za koje su prikupljeni podaci i adrese, a za čije se nekretnine vrši izlaganje, uputiti poseban poziv najkasnije osam (8) dana prije izlaganja podataka, da u naznačeno vrijeme dođe u radne prostorije Komisije i da donesu sve isprave koje služe kao dokaz o pravima na nekretninama.

Obavještavaju se sva lica koja polažu pravo ili imaju pravnog interesa na nekretninama u katastarskoj općini Brezje da su dužna da u određeno vrijeme dođu u radne prostorije Komisije i daju potrebne podatke o nekretninama.

Lica za koja nisu prikupljeni lični podaci i adrese te nisu pozvana, a polažu pravo ili imaju pravnog interesa na nekretninama u katastarskoj općini Brezje dužna su da se sama jave Komisiji i da sa sobom ponesu sve pismene isprave koje služe za dokazivanje njihovih pravnih interesa na nekretninama.

Građani treba da ponesu ličnu kartu, a predstavnici pravnih lica ovlaštenje za zastupanje pravnog lica kao i ID broj pravnog lica. Za maloljetna lica potrebno je dostaviti Izvod iz Matične knjige rođenih.

Izlaganje na javni uvid podakata premjera i katastarskog klasiranja obavljat će se svakim radnim danom od 10:00 do 14:00 sati u radnim prostorijama koje se nalaze u administrativnoj zgradi općine Čelić, kancelarija br. 102 (prvi sprat).

Neodazivanje posebnom pozivu Komisije, odnosno ovom Oglasu, povlači zakonske posljedice.

Broj: 01-26-1488-2/21
Čelić, 25.08. 2021. godine

Predsjednica Komisije
Elvira Muminović, dipl. pravnik s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

Broj:01-45-603-1/21
Čelić, 30.09.2021. godine

Na osnovu člana 217. Zakona o upravnom postupku ("Službene novine Federacije Bosne i Hercegovine", broj: 2/98 i 48/99), Predsjedavajući Općinskog vijeća Čelić dana, 30.09.2021. godine donosi:

ZAKLJUČAK
o ispravci kalendara značajnih datum 1992-1995.godine

1. U Kalendaru značajnih datuma 1992-1995.godine koji je sastavni dio Odluke o usvajanju kalendara značajnih datuma na području općine Čelić ("Službeni glasnik općine Čelić", broj: 6/2021) ispravljaju se greške tako da **umjesto:**

5.	Linijom odbrane Nahvioci-Šibošnica	20-21.06.	MZ Nahvioci
6.	Formiranje čete Gornji Humci i Sitari	17. Juni	MZ Gornji Humci
7.	Osnivanje bojne „Pro Patria“ Drijenča	12-13. Juni	MZ Drijenča
8.	Dani otpora 1992-1995.	13. Juni	MZ Brnjik
9.	Da se ne zaboravi (Progon stanovnika Koraja)	15. Juni	MZ Koraj i Čelić

treba da stoji:

5.	Osnivanje bojne „Pro Patria“ Drijenča	12-13. Juni	MZ Drijenča
6.	Dani otpora 1992-1995.	13. Juni	MZ Brnjik
7.	Da se ne zaboravi (Progon stanovnika Koraja)	15. Juni	MZ Koraj i Čelić
8.	Formiranje čete Gornji Humci i Sitari	17. Juni	MZ Gornji Humci
9.	Linijom odbrane Nahvioci-Šibošnica	20-21.06.	MZ Nahvioci

Dosadašnji redni brojevi 12., 13., 14., 15., i 16., postaju redni brojevi 11., 12., 13., 14. i 15.

2. Sastavni dio ovog Zaključka je i Kalendar značajnih datum 1992-1995.godine sa nevedenim ispravkama.

3. Ovaj Zaključak objaviti u "Službenom glasniku općine Čelić".

O b r a z l o ž e n j e

Dana 30.07.2021.godine Općinsko vijeće Čelić donijelo je Odluku o usvajanju kalendara značajnih datuma na području općine Čelić broj: 01-45-603/21 od 30.07.2021.godine.

Nakon usvajanja iste utvrđena je greška tehničke prirode u kalendaru značajnih datuma odnosno datumi manifestacija nisu poredani po redosljedju datuma održavanja.

S tim u vezi, a u skladu sa zakonskim propisima odlučeno je kao u dispozitivu ovog Zaključka.

Protiv ovoga Zaključka dopuštena je posebna žalba u roku od 15 dana od dana prijema.

Žalba se podnosi pismeno, neposredno ili putem pošte Komisiji za odlučivanje u drugom stepenu, društveni nadzor i administrativne poslove Općinskog vijeća Čelić.

PREDSJEDAVAJUĆI
Mustafa Ljaljić s.r.

Kalendar značajnih datuma 1992-1995.godine

R.B.	Naziv manifestacije	Datum održavanja	Mjesto održavanja
1.	Dan nezavisnosti BiH	01.Mart	Prostor općine Čelić
2.	Dan 208-254 Slavne brdske brigade Čelić	19. Mart	Prostor općine Čelić
3.	Dan šehida	Drugi dan Ramaz. Bajrama	Prostor općine Čelić
4.	Dan armije R BiH	15. April	Prostor općine Čelić
5.	Osnivanje bojne „Pro Patria“ Drijenča	12-13. Juni	MZ Drijenča
6.	Dani otpora 1992-1995.	13. Juni	MZ Brnjik
7.	Da se nezaboravi (Progon stanovnika Koraja)	15.Juni	MZ Koraj i Čelić
8.	Formiranje čete Gornji Humci Sitari	17. Juni	MZ Gornji Humci
9.	Linijom odbrane Nahvioci-Šibošnica	20-21. Juni	MZ Nahvioci
10.	Dani Mjesne zajednice i dani odbrane Donjih Humaca	17-18.Juli	MZ Donji Humci
11.	Sjećanje na dane odbrane	Prvi vikend Augusta	MZ Vražići
12.	Dani odbrane Čelića (bitka za Frigos)	28. Septembar	MZ Čelić
13.	Da se nezaboravi (Greda)	Prva nedjelja poslije 8. Oktobra	MZ Ratkovići
14.	Dani općine Čelić	17-18.Novembar	Prostor općine Čelić
15.	Dan Državnosti BiH	25. Novembar	Prostor općine Čelić

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE ČELIĆ

Broj:01-26-1488-3/21
Čelić, 30.09.2021. godine

Na osnovu člana 217. Zakona o upravnom postupku ("Službene novine Federacije Bosne i Hercegovine", broj: 2/98 i 48/99), Predsjedavajući Općinskog vijeća Čelić dana, 30.09.2021. godine donosi:

ZAKLJUČAK
o ispravci Rješenja Općinskog vijeća Čelić broj: 01-26-1488-1/21

1. U nazivu i u dispozitivu Rješenja o imenovanje Komisije za nastavak izlaganja na javni uvid podataka premjera i katastarskog klasiranja zemljišta za katastarsku općinu - K.O. Brezje broj: 01-26-1488-1/21 od 17.06.2021.godine, u tački I. ispravlja se greška tako da se briše riječ "**nastavak**", a umjesto riječi "**izlaganja**" treba da stoji "**izlaganje**".
2. Ovaj zaključak proizvodi pravni učinak od dana od koga proizvodi pravni učinak i Rješenje Općinskog vijeća Čelić, broj: 01-26-1488-1/21 od 17.06.2021.godine.
3. Zaključak se prilaže izvorniku rješenja i čini njegov sastavni dio.
4. Ovaj Zaključak će se objaviti u "Službenom glasniku općine Čelić".

O b r a z l o ž e n j e

Dana 17.06.2021.godine Općinsko vijeće Čelić donijelo je Rješenje o imenovanje Komisije za nastavak izlaganja na javni uvid podataka premjera i katastarskog klasiranja zemljišta za katastarsku općinu K.O. Brezje broj: 01-26-1488-1/21 od 17.06.2021.godine.

Nakon objave Oglasa o izlaganja na javni uvid podataka premjera i katastarskog klasiranja zemljišta za katastarsku općinu K.O. Brezje u Službenim novinama Federacije i dnevnim novinama, utvrđeno je da je u nazivu i dispozitivu navedenog Rješenja u tački I. načinjena tehnička greška prilikom kucanja teksta.

S tim u vezi, a u skladu sa zakonskim propisima odlučeno je kao u dispozitivu ovog Zaključka.

Protiv ovoga Zaključka dopuštena je posebna žalba u roku od 15 dana od dana prijema.

Žalba se podnosi pismeno, neposredno ili putem pošte Komisiji za odlučivanje u drugom stepenu, društveni nadzor i administrativne poslove Općinskog vijeća Čelić.

PREDSJEDAVAJUĆI
Mustafa Ljaljić s.r.